

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 2/2022-mik Inatsisartut tapersiinissaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalackersuisunut kaammattuutigaa nunani avannarlerni killerni Naalackersuisut inuusuttunut tunngasunik suliassaqartinneqartut 2023-mi naapisinneqassasut ulluinnarni atukkat, peqqissuseq, sunngiffimmi soqutigisat, inuit akornanni qarasaasiatigut attaveqatigiittarfiit qulequttallu allat attuumassutillit eqqarsaatigalugit nunani pineqartuni pingasuni inuttut qanoq inissisimanerat pillugit misilittakkanik paarlaasseqatigiinnissaq aamma misissuinernek kisitsisitigullu paasissutissanik paarlaasseqatigiinnissaq siunertaralugu, taamaaliornikkut inuusuttut eqqarsaatigalugit ataatsimut ajornartorsiutit suussusersineqarnissaat ataqatigiissumillu suliniutigineqarsinnaasut eqqartorneqarnissaat siunertaralugu.

(Inatsisartunut ilaasortaq, Kim Kielsen, Aallartitat siulittaasuat)

Akissuteqaat

(Meeqqanut, Inuusuttunut Ilaqutariinnullu Naalackersuisoq)

Siullermeerneqarnera

Siunnersuuteqartumut qujanaq.

Inuusuttortatta pissutsit atugaat ajornartorsiutaallu pillugit kaammattuut 2/2022 Nunat Avannarliit Killiit suleqatigiinneranni kaammattuutaavoq pingaarutilik. Misilittakkanik ilisimasanillu avitseqatigiinneq nunat pingasuusut tamarmik pissarsiffigisinnaavaat.

Taamaattumik kalaallit tungaannit nunat sinnerinut qarasaasiaq aqutigalugu isumasioqatigiittoqassasoq siunnersuutiginiarparput, inuusuttut atugarissaarnerat, peqqissuseq, sunngiffimmi soqutigisat allallu sammisat attuumassuteqartut, ajornartorsiutaasinnaasut kiisalu tassunga attuumassuteqartut aaqqiissutaasinnaasut oqaluuserisinnaassavagut.

Erseqqinnerusumik pilersaarusiernerup sukumiinerusumik oqaloqatigiissutigineqarnissaanut Islandi Savalimmiullu piaartumik attaveqarfigissavagut.

Kaammattuutip matuma malitseqartinnissaanut Naalackersuisut isumaqataapput.